


WEJE


Calixto Tanimō nge ma rrhu
sasaarōan ge li



*David Tovovur nge ma rrhu nonon
sasaarōan ge li*

**EKSPLENESEN
LEVEL 7**

Ministri ne Yekyaan te Wuhuran
Rebublik ne ōrr Vanuatu




Huwo bonga lon ren mrrinmrrin, lon
ōl ne Julae kirine Okis, besa ne ra uje
myumyur nyer ma me rrō frifri.

Ngate, sese mni hu eb tamtee.

Ra uje frifri bonga ge le em rrō goo bya
lon tan te em bya rrō bor.


Li uje ge le rate bonga ma mha.


Li uje nan mwe varr rru mwe yen barhu
nga. Te mwi yi be, ma gro rru nge le?



Wobung wor hu mo rrō gro, ra vivi nan
mwe tamtee.

Ra vivi nyonyo ge nyer le, em nga me
lamlam te ma me raki myumyur.





Tōlō e myarin wingite rrō tamtee.

Wote mōn rrō tamtee, te bone rrō men
ma me rrō frifri o rrō nyonyo. Ngate
rrō goo bya lon tan. Be weje ge longken
mwe jeene ge yi rrō ngne.

Lisite mu rru lon wote ge le.


Ra uje nyer ge em borr burr, ema me
meyee ge rrwuten ne wo uje ge le.



Wo uje ge nyer le mwi rriu, te ma lngi libwite.

Te warrirriu nan rrō tamtwe.

Ema me bale uje mōl mōn.



Ngate myuran ne li uje rrō tangbarite
mōn.

